

## **Pameran Tamadun Islam Langkah Kepada Penghayatan Islam**

**Oleh Calvin Choong**

**[calvin.choong95@gmail.com](mailto:calvin.choong95@gmail.com)**

Kota Kinabalu, 10 Mac - Sempena Minggu Penghayatan Islam, Kelab Rakan Masjid telah menganjurkan Pameran Tamadun Islam di perpustakaan Universiti Malaysia Sabah pada pukul 10 pagi sehingga 4 petang.

Kelab Rakan Masjid (KRM) merupakan sebuah kelab mahasiswa yang ditubuhkan untuk melahirkan mahasiswa yang memiliki keperibadian yang mulia dan kefahaman Islam yang mantap melalui prinsip Islam.

Visi dan misi KRM adalah untuk mengukuhkan kedudukan serta pengaruh Islam berdasarkan prinsip dan nilai Islam untuk mendapat keampunan serta

keredhaan daripada Allah.

Risalah, poster dan gambar tentang artifak zaman tamadun Islam serta sejarah Islam dipaparkan di atas papan pameran sebagai bahan bacaan kepada orang yang datang berkunjung ke pameran tersebut.

"Pameran ini juga bertujuan untuk menggalakkan mahasiswa-mahasiswi

Islam di UMS untuk menghayati Islam." Kata Norhanizah Sukarso, Timbalan Ketua Exco Media dan Korporat KRM.

Buku-buku berkaitan tentang ajaran Islam serta sejarah Islam telah disediakan di pameran itu untuk dibeli dan dibaca oleh mahasiswa-mahasiswi.

Selain daripada Pameran Tamadun Islam, aktiviti-aktiviti seperti Klinik Al-Fatihah, pertandingan Hafazan, Tilawah dan Azan serta Konvensyen Fiqh Borneo tahunan telah dianjurkan oleh KRM sepanjang sempena Minggu Penghayatan Islam di UMS.



*Pameran Tamadun Islam di  
Perpustakaan UMS*

*Foto Oleh Calvin Choong*